

cognati ipsius monachbi diabolica suasione in ultiō-
nem ejus inflammentur, et homicidium augeatur.
Quodque ipsi, qui propter scelerā suā et improbitatē
inter sacerdotes esse non poterant, in vicina mo-
nasteriī loca gregatim non collocentur: quia furto
monasteria deprendant, et proxima quæque loca la-
trociniis infestant.

XVIII. Quod ipse abbas corrigatur, ne institutis
sancti Bonifacii detrahatur, dicens quod decreta ejus
synodus damnaverit; et quod inajores et cetera mo-
nasteria non reprehendat, quasi regulariter non
vivant.

XIX. Ut Crucis gloriatio in singulis diebus Domi-
nicis fiat ante missam, fratibus omniibus circa vi-
cina quæque loca monasteriū Crucem sequentibus,
hymnos et antiphonas cantantibus, sicut apud majo-
res nostros usus erat, in diebus Dominicis, Passio-
nis et Resurrectionis Domini gloriam celebrari. Et
quod in diebus jejuniorum ab episcopo decretis Cru-
cem portare et Litanias facere liceat.

XX. Hoc igitur, quod maxime nobis necessarium
esse judicavimus, præ omnibus optabamus, id est
unitatem et concordiam cum abbatore nostro habere,

A sicut cum anterioribus nostris abbatibus habuimus;
et misericordiam et familiaritatem, pietatem et mo-
destiam in illo sentire; et ut esset benignus in firmis,
propitius delinquentibus, affabilis fratribus, moestorum
consolator, laborantium adjutor, benevolorum
auxiliator, bene certantium hortator, lassorum reso-
cillator, cedentium sustentator, cadentium restaura-
tor; omnes fratres amaret, nullum odiret, et nullum
zeli vel livoris dolo persequeretur; fieretque
non turbulentus vultu, non anxius animo, non ni-
muis in iudicio, non obstinatus in consilio, sed hilari-
ris facie, lætus mente, discretus in opere, conser-
tiens in utilitate; et quando aliquis de fratribus pre-
occupatus fuerit in aliquo delicto, non statim ty-
rannica vindicta illum excruciat, sed misericordi
disciplina corrigit festinaret, conversumque cle-
menter susciperet, nec prava suspicione denuo illum
fatigaret, neque perpetuo odio exterminaret.

His et talibus, domine imperator, apud priores
B nostros abbates usi sumus; et de hoc istum abbatem
sæpiissime rogavimus, sed usque in præsentem diem
impetrare non potuimus.

VITA SANCTI STURMII

ABBATIS FULDENSIS PRIMI.

AUCTORE SANCTO EIGILE

FULDENSI ABBATE QUARTO.

MABILLONII MONITUM.

1. Quantæ auctoritatis esse beatib[us] liber de Vita san-
cti Sturmii, quem antiqui Sturmin, recentiores qui-
dam Sturmionem appellant, nemini dubium esse
poterit, qui auctoris gravitatem, pietatem etatem
que perspexerit. Quippe Eigil Fuldensis abbas quartus, ab anno 818 ad 822, vir pius ac sanctus, litteris
mandavit gesta præcipua præceptoris sui, in cuius
discipulatu, ut ipse in Prologo suo affirmat, plus
quam viginti annos conversatus fuerat, cui et mo-
rienti adsoit. Quin etiam opus suum censuræ Ful-
densium monachorum subjicit non semel. Nam
lectionem libri illip[s]u[m], quem de vita supradicti Abba-
tis et origine monasterii Fuldensis, Christi gratia
largiente compositum, fratibus ad mensam recitari
precipiit, teste Candido monacho in ipsius Eigilis
Actis; quatenus hi eadem mirabilia divinæ opera-
tionis audientes, gratias divinæ majestati referunt,
et omnis jucunditas ipsius festivitatis in ejus laude
personaret.

2. Ubi nomine *festivitatis* intellige anniversariam
pro Sturmio commemorationem, quam Eigil abbas
instituit. Sic enim Candidus rei narrat: Sturmus
primus abbas et fundator monasterii Fuldae, quem
sanctus Bonifacius præceptor ejus *eremitam suum*
vocitare solebat, morbo atque senectute lassatus
cepit infirmari; qui etiam non post multo tempo-
rum intervallo senex et plenus dierum in pace mi-
gravit de luce temporali ad lucem, ut credimus,
sine fine durante. Simili consilio atque devotione
idem Eigil, bone voluntatis vir, anniversarium Stur-
mis primi abbatis fundatoris monasterii Fuldae me-
moriam, et omnium fratrum nostrorum de hac luce
defunctorum, in natale sancti Ignatii martyris Chri-

C sti (xvi Kalend. Januarii, quo Sturmius decesserat): « propter intercessionem tanti Patroni, in missarum celebrazione, psalmodiis et oratione sancta celebrare sancvit. Hujus rei siquidem constitutio dum cunctæ congregationi perfecta esset, ac deinde si placeret interrogatum fuisset, respondebatur ab omnibus: Placet. Sed ne cui fortasse hæc celebratio superstitionis et cassa esse videatur, legat Collationes sanctorum Patrum, et ibi reperiatur hujus festivitatis exemplum. » Nimurum in Collationis xix cap. 4; qua de re in Præfatione egimus. Ex his intelligitur, illas annuas preces pro Sturmii aliorumque fratrum salute suis institutas; nam serius in sanctorum numerum relatus, nec festivitatem, nec locum in antiquis martyrologiis, ne quidem Rabani Mauri, habuit, donec anno 1139 Innocentius papa II in concilio Lateranensi solemnes ipsi honores approbata sanctitate decrevit litteris Chuonrado abbati Fuldensi scriptis.

D 3. Sancti Sturmii mentionem fieri in Bonifaciana epistola 17 putant Browerus et alii, ubi defuncto Wigberto abbatte Fritislariensi Bonifacius ejusdem coenobii ministeria ita disponit, ut *Stirme in coquena sit*. Et quidem sanctus Sturmius vite monasticæ rudimenta Fritislarie hausit. At anno 747, quo sanctum Wigbertum abbatem decessisse probavimus, iam abbas Fuldensi monasterio præter Sturmius, ut patet tum ex ipsius Actis, tum ex quadam Bonifacii charta de finibus et terminis Fuldensis monasterii scripta, apud Browerum in Antiq. Fuld. lib. 1, cap. 4, cui Sturmus abbas subscribit anno Dominicæ incarnationis 747, mense Martio, ut proinde aliis

ab ipso fuerit *Stirme* monachus Fritislariensis, quem Bonifacius coquimæ prefici mandavit.

4. Explicari oratione non potest, quid laudis mereatur sanctus Sturmius, qui cœnobium Fuldense tam religiose instituit rexique. Ea enim erat monasterii disciplina, ut teste Bonifacio Sturmii adiutore in litteris ad Zachariam papam, in eo degerent « monachi sub regula sancti Patris Benedicti viventes, viri strictæ observantiae, absque carne et vino et servis, proprio manuum suarum labore contenti. » Quod institutum Pippinus rex paulo post temperasse dicitur infra num. 13. Addit Rudolfus monachus in Vita sanctæ Liobæ superius relata laudabilem istius cœnobii morem : « quia loco illi ex quo a monachis habitat cœptus est, femineos negabatur ingressus. Tantum autem huic Liobæ concessus erat, quia sanctus Bonifacius martyr senioribus eam commendarat, corpusque ejus ibi sepeliendum decreverat. Quod caput inde majores tam sancte coluere, » inquit Browerus in lib. i Antiq. Fuld., cap. 8, « ut privilegiis a Martino papa, sœculo ix, abbati Hadamaro ; et a Silvestro sœculo x ætate Erkembaldo ; et a Joanne, Richardo subinde, aliisque ab aliis pontificibus postea concessis, et nominatim insertum sit, et religiose a posteris observatum. » Id quod probatum de Lotharii regis uxore, cui die sancto Pentecostes sacris interesse in primario monasterii templo non licuit : tum etiam de conjugi Friderici imperatoris, « cui, quia regina in comitatu ejus erat, urbem Fuldam intrare non licuit. » Porro advertit Browerus, emolita semel illa disciplina per Bonifacium papam IX rogatu Joannis Merlavii abbatis, « anno 898 templum Fuldense fulmine de cœlo tactum septimo die Junii conflagrassæ ; id quod in poenam violatæ disciplinæ accidisse, posteri crediderunt. »

5. Omnino vero laudabile institutum in eodem monasterio viguit scholarum scilicet erectio a Sturmo facta in gratiam juventutis : ex quibus tot clarissima lumina prodierunt, ut ex hoc capite repetendum sit præcipuum avitæ Fuldensium gloriæ ornamentum. Scholæ vero iam inde a Sturmii ætate non obscuræ clarum in Eigilis abbatis Vita exemplum profert Browerus ; nam Candidus scholam ait fuisse congregationi, ubi lex divina iugi exercitatione disceretur et doceretur, « nimirum ex S. P. Benedicti instituto, cuius æmulatione Bonifacius in Fritislariensi aliisque monasteriis ab se constructis magistris infantium, ut ipse in epistola 17 loquitur, instituit. Porro ex Fuldensi academia, docente aliquandiu istic Alcuino, prodire Haimo, Usuardus, non tamen Martyrologii auctor, Freculfus, Rabanus, Liutbertus, Walafridus Strabus, Servatus Lupus, Rudolfus, Aserchus et Ruodbertus, Modestus et Candidus, Gerungus, Meginsfridus, aliique innumeri : imo ipsa quanta fuit Hirsaugiensis academia apud Nemetas, cui Liutbertus Albini Rabanique discipulis initia dedit, Gerungus incrementa. Legendus Christophorus Browerus in luculento opere de Antiquitat. Fuld., cap. 9 et seqq., ubi diserte ac eruditè tractat hoc argumentum : quod etiam in Praefatione nostra hic agitavimus.

6. Verum nihil æque Fuldense monasterium com-

A mendat et illustrat quam pietas ac sanctitas hominum qui istic floruerunt; ut interim taceamus viros dignitate illustres ad infulas exinde raptos, quorum e numero pontifices novem Maguntia siqui vindicavit. Ibi pie ac sancte vixerunt Sturmius cœlerorum dux et antisignanus sæculo viii, Egil et Rabanus Maurus sæculo ix, Bardo, cognomento Chrysostomus, uterque Maguntinus archiepiscopus sæculo xi.

7. Perstat etiam nunc vigetque Fuldense monasterium, oppido ac ditione propria auctum, sitem in Buchoniæ pago olim *Grafeldi* appellato, ad amnum Fuldam seu Wudam, Franciæ orientaliæ ac Wederaviæ contermino : cuius monasterii abbas, Augustæ archicancellarius, abbatum Germaniæ primas, spiritalem in subditos jurisdictionem exercet. Istic nuper honores cum Lutheri erroribus depositi, vestemque monasticam assumpsit illustrissimus marchio Badensis, alias honores brevi accepturus, jam Fuldensis et Campidonensis abbatum coadjutor. Albericus in Chronico ex Willermo Malmesburiensi et Helinando monachis observat, Fulensem abbatem habere istud « privilegium ex antiquo, ut in maguis festivitatibus sedeat ad dextram imperatoris. » Lege discidium hac de re apud Lambertum Scasnaburensem ad annum 1063.

8. Complura cœnobia Fuldensis abbatia sibi subiecta habuit, servatque etiamnunc nonnulla, quorum indicem exhibet Browerus in lib. ii Antiq. Fuld., cap. 10. In eo tamen indice quædam omisit, in his parthenona Milizensem, cuius attributio Fulda ab Einhilde abbatissa facta legitur « anno 800, Caroli regis Francorum 31, » ut constat ex diplomate lib. ii Traditionum Fuldensium, egregio sane optimæ antiquitatis instrumento, quæ traditio ordine 38 in lib. ii reperitur. Erat hæc Einhilda sea Emhildis abbatissa conditrix istius monasterii Milizensis, id quod patet ex traditione antecedente, in qua hæc verba : « Ego Emhilda abbatissa, propriæ hæreditatis meæ terram in diversis locis... concedo pro animæ meæ remedio omnipotenti Salvatori nostro Deo, et sanctæ Dei genitrici Mariaæ atque ancillis Dei quæ in monasterio meo ad Milize die nocturnæ Domino Deo sub Regula sancti Benedicti deserunt, et stabilitatem ibi habent promissam... cum monasterio supra posito, quæ ego ipsa proprio labore construxi atque ædificavi, omnia ad integrum... sana mente sanoque consilio, ut supra dixi, dono, trado atque transfundō omnipotenti Salvatori nostro Deo et sanctæ Dei genitrici Mariae et ancillis Dei quæ in isto monasterio recte et regulariter secundum Regulam monachorum Deo fideler sine ulla falsitate deserunt... quam donationem ego nunc testibus coram astantibus trado Domino Deo et sanctæ Mariae ad illas sanctæ Mariae reliquias quæ proprie meæ sunt, quæ ego ipsa conquisiui, et quæ in ipsa capsula mea propria sunt et chrismale, ad quas ancillæ Dei quæ in hoc eodem monasterio Domino Deo deserunt, votum primitus sanctitatis et monasticæ conversationis et religionis ordinem promiserunt, etc. Actum anno Inc. 783, Caroli regis Franc. 16, » cui diplomati sanctius Willibaldus Eistetensis episcopus subscripsit.

PROLOGUS AUCTORIS AD ANGILDRUTHAM.

4. Assidue et amore divino accensam et sancto indesinenter studio repletam, o virgo Angildruth, semper agnovi. Idcirco petitionibus tuis parui. Posselas enim ut initia et Vitam sancti ac venerabilis abbatis Sturmi tibi exponerem, ac primordia mona-

sterii Sancti Salvatoris, quod ab eo fundatum atque constitutum est, quodque alio nomine appellatur Fulda, conscriberem ; causas quoque ejusdem cœnobii coniçerem, et sincere narrarem. Feci secundum parvitatem ingenii mei quod postulasti ; et

quemadmodum a viris satis fidelibus, imo vasis a Christi, illius viri principia et conversationem, et fundamina predicti monasterii agnovi, huic ut potui libello ingressi: nec non et earum rerum diversitates, quas istius seculi cursus indesinenter patitur, sicut ipsorum relatu vel meo obtutu expertus sum, similiter inserui. Nam et ego Eigil in discipulatu illius plus quam viginti annos conversatus eram, et sub ipsius coenobii disciplina ab infante

• Id est virginibus seu sanctimonialibus, quibus forsitan Angildrutha abbatissa praeerat, in Bischofheimensi, an Kizzengensi parthenone vicino. Paulus apostolus mulierem *vas* appellat I Thess., cap. iv, vers. 4. Donatus Vesonensis episcopus Regulam ab se concinnatam inscribit sanctimonialibus

A usque in hanc ætatem nutritus et eruditus sum. Quapropter nonnulla eorum quæ scripsi, vidiisse me testatus sum. En habes quod poscebas putativum nomini tuo dicatum, tibique tuendum derelictum. Tu invidorum maledictis responde; tu me magis benevolum quam presumptuosum defende; tu me apud Christum verum sponsum tuum sanctis orationibus tuis sustenta.

Jussanensis coenobii, quas *vasa Christi* pretiosissima vocat; et concilium Cabilonense secundum, cap. 52, præcipit abbatissis ut se virginesque sibi commissas observent *ut vasa sancta in ministerio Domini præpara*.

INCIPIT VITA.

2. Tempore quodam sanctus ac venerandus archiepiscopus Bonifacius Noricam a regionem ingressus, cum sacerdotes et universos Ecclesiaz ordines ad catholicam imbueret fidem, cunctosque ibidem hereticorum errores ab Ecclesiis repelleret; Christi populos quoque gentis illius, licet essent Christiani, ab antiquis tamen paganorum contagis et perversis dogmatibus, veracibus Christi doctrinis cohiberet; coepérunt ei certatim nobiles viri in servitium Domini nutriendas suas offerre subules: tunc etiam puer Sturmi precatu parentum ab eo susceptus; qui Norica provincia exortus, nobilibus et Christianis parentibus generatus et nutritus fuit. Qui carnali quidem relicita cognatione nostræ redemptio seculus [adde consilium], peregrinationis viam cum episcopo pariter a quo erat susceptus, flente universa parentela, grataanter arripuit. Cumque pluribus provinciis peragrat ad Friteslar Hessianum in regionem sancti viri coenobium tandem pervenissent, nobilem puerum suo cuidam presbytero, nomine Wigberto b, sanctus commendavit episcopus. Adhibita tunc oinni diligentia presbyter sanctus puerum Sturmen ad Dei omnipotentis servitium instituere studuit. Psalmis tenaci memoriae traditis, lectionibusque quamplurimis perenni commemoratione firmatis, sacram coepit Christi puer Scripturam spirituali intelligere sensu: quatuor Evangeliorum Christi mysteria studiosissime curavit addiscere; Novum quoque ac Vetus Testamentum, in quantum sufficiebat, lectionis assiduitate in cordis sui thesaurum recondere curavit. Erat quippe, ut scriptum est, meditatio ejus in lege Domini die ac nocte;

• Bajoariam scilicet, Tassiloni duci subjectam, *Noricum* antiquis appellatam. De ea Paulus Warnefridi in lib. iii de Gestis Langobardorum, cap. 31: • Noricum provincia quam Bajoariorum populus inhabitabat, habet ab oriente Pannoniain, ab occidente Suaviam, a meridie Italianam, ab aquilonis vero parte Danubii fluente. Illic Carolo Magno occasio mittendi Sturmii ad Tassilonem reformandæ pacis

B profundus in sensu, sagax in cogitatione, prudens in sermone; pulchro aspectu, gressu composito, honestis moribus, vita immaculata. Charitate, humilitate, mansuetudine, alacritate, omnium in se traxit amorem.

3. Post non longum temporis presbyter omnium voluntate, omniumque consensu servorum Dei ordinatus, coepit mystica dicta Christi circumquaque temporibus opportunis, populis instanter prædicare. Sacré etiam virtutes per divina sancti Spiritus charismata sbebant ab eo plurimæ. Quoties per sancta orationum studia in Dei nomine immundorum spirituum habitationem a peccatoribus Christianis expulit! Quoties per impositionem manus, per humilem orationem ab adversis valetudinibus sanavit agrotos! Quoties serpentinis infecta corda venenis, doctrina salutari subveniens, lethale virus quod pestifere latebat, medendo curavit! Discordes, pace rupta, ad concordiam charitatis redire ante solis occasum imperavit; patientiam, animi mansuetudinem, spiritus humilitatem, cordis longanimitatem; fidem, spem atque charitatem, omnes habere docuit.

4. Cumque pene tribus annis sic presbyteratus sui prædicando ac baptizando officium gereret in plebe, coelesti illi inspiratione cogitatio incidit in cor, ut arctiori se vita et eterni squalore constringeret. Iujus cogitationis jugem memoriam singulis momentis et horis gerebat in pectore, donec divina admonitione instructus, viro Dei Bonifacio archiepiscopo, quod animo occulte conceperat, spiritu magistro revelavit. Quo comperto vir sanctus a Deo hanc inspirationem descendisse intellexit, gaudensque quod

gratia, quod id facilius executurus videretur homo popularis. Et Bajoarios sepe invisit Bonifacius, Ilucbertum ducem fautorum expertus in redditu ex Romana peregrinatione facta anno 732, quo forsitan secum Sturmium adduxit in Germaniam.

b Nempe sancto Wigberto abbati Fritislariensi primo.

Dominus illum per suam gratiam admonere dignatus est, tali studio devotissimus fautor grataanter extitit. Adjunctis ergo ei duobus comitibus, omnibusque diligenter instructis, oratione facta et benedictione super eos data, Pergite, ait episcopus, in hanc solitudinem quæ Bochonia nuncupatur; aptuunque servis Dei ad inhabitandum exquirite locum. Potens est enim Deus parare servis suis locum in deserto. Perrexere itaque illi tres ad eremum: ingressique soliditudinis agrestia loca, præter cœlum ac terram et ingentes arbores pene nihil cernentes, devote Christum poscebant ut pedes illorum in viam pacis dirigeret. Die tertio pervenerunt ad locum qui usque hodie *Herselt*^a dicitur. Visis exploratisque ibidem locis circumquaque positis, Christum sibi locum ad inhabitandum benedici poposcerunt: atque in loco illo ubi nunc monasterium situm est, parva arborum corticibus tecta instruunt habitacula, manseruntque illuc tempus non modicum, sacris jejuniis et vigiliis atque orationibus Deo servientes.

5. Post aliquantum vero temporis sancto studio repletus Sturmii, egressus de eremo ad sanctum archiepiscopum Bonifacium perrexit; eique et loci positionem, et terræ qualitatem, et aquæ decursum, et fontes et valles, et omnia quæ ad locum pertinebant, per ordinem exposuit. Quod vir ^bsantus Bonifacius archiepiscopus diligenter audiens et prudentior secum pertractans, eremitam suum^b omni charitatis affectu suscepit, secumque habitare aliquantis per imperavit. Post colloquium autem dulce quod habuit cum magistro, et uberes sacrarum Scripturarum consolationes, episcopus taliter locutus est: Locum quidem quem repertum habetis, habitare vos propter viciniam barbaricæ gentis perlungesco. Sunt enim, ut nosti, illuc in proximo feroce Saxones. Quapropter vobis remotiorem et inferiorem in solidudine requirite habitationem, quam sine periculo vestri colere queatis. Tunc vir beatus Sturmii cognitis omnibus, quæ ei fuerant a Beato imperata, sacris ejus doctrinis imbutus animoque confortatus, de inquisitione loci sollicitus, ad eremum alacriter perrexit. Qui cum ad suos pervenisset socios, in predictis eos reperit habitaculis suum anxie præstolari adventum. Quos cum vidisset, ab episcopo verbis pacificis illos salutavit, eosque multum et de adventu suo, et de episcopi narratione consolatus est. Cumque per ordine in eis verba sancti exposuisset episcopi, assumptis secum duobus fratribus, ascenderunt navem superiora petentes loca: per alveum Fuldae fluminis navigio pergere cœperunt, lustrantes ubique loca ad omnium torrentium vel fontium ora. Navim egressi, perambulantes circum-

^a Hoc loco Christophorus Browerus immerito arquit Trithenium, qui Hersfeldensis monasterii initia Lullo, regimen Sturmio abbati primo tribuit. Illud movet Browerum, quod Hersfeldensis basilice ad annum 850 fundamenta primum jacta sunt, teste Lamberto loci domestico: putatque Hersfeldensis abbatia initia serius coaluisse, Carolo Magno jam florente, et reliquiis sancti Wigberti eo Fritislaria trans-

A quaque et considerantes terram, montes, colles, superiora et inferiora explorantes, ubi Dominus servis suis in solitudine ad inhabitandum aptum demonstraret locum; tertio denum die ad locum pervenerunt ubi flumen quod dicitur Ludera intrat in Fuldam. Iude reversa nave, cœperunt ad propriam remeare cellam, nihil tale reperientes quod eorum placuisset obtutibus, præter quod paulisper demorati sunt in loco qui dicitur *Rohenbah*, ubi eis visum fuerat posse servos Dei utcunque esse: non tamen per omnia aestimantes venerando episcopo placuisse. Qui cum per ejusdem fluminis alveum renavigarent, post non longum tempus ad sua paupercula pervenerunt habitacula: tum Christum ibi omni tempore deprecantes, ut eis desideratam ostenderet eremi habitationem, ubi secundum præceptum sancti Bonifacii episcopi possent jugiter Domino securi deservire. Sic in Domini servitute die noctuque jejuniis, vigiliis et orationibus perseverantes, Domini Dei sui memoriam non amitterebant, dicentes in corde suo: *Providebam Dominum in conspectu meo semper, quoniam a dextris est mihi, ne commoverar (Psal. xv).* Laus quoque Christi continua in ore pariter et corde ipsorum resonabat, implentes illud Psalmographi: *Benedicam Dominum in omni tempore, semper laus ejus in ore meo (Psal. xxxiii).*

6. Tunc sanctus episcopus Bonifacius, memor eremitæ sui Sturmii, quodque de inquisitione loci habuisset peractum admirans, nuntium misit qui illum rogaret concite ad se venire. Quo dum propere nuntius venisset, reperit eum in supra memoratis insistere habitaculis. Cui honoris causa salutato, Venrandus, ait, Pater noster episcopus multum te videre desiderans, rogavit ut ad eum, si non graveris, venias: habet enim necesse multa tecum conferre. Auditus itaque ejus sermonibus vir studiosus Sturmii humile responsum reddidit, dicens: Christo Deo gratias ago quod meæ parvitatæ memor tantus pontifex ad me in hanc soliditudinem suum nuntium destinare dignatus est. Vocatisque ad se fratribus præcepit advenienti nuntio charitatis officium impendere. Qui diligenter ejus præceptum implentes, ei mensam posuerunt, cibos quos habucrunt offerentes. Quo refecto fratres ei abeundi licentiam poposcerunt. Tunc D vocato ad se vir Dei nuntio, gratias ei fatigationis sue referens, dixit: Sanctum Bonifacium pontificem a nobis servis suis pacificis salutato sermonibus, eique dico quod post te quantocius potero properabo. Benedixitque illum, et abiit permisit. Sequenti vero die, petita a fratribus benedictione vir Dei Sturmii statim profectus est, arreptuque itinere, ad *Selheim*, ubi sanctum comperit episcopum, properavit.

latis. Verum ipse Lambertus Hersfeldensis monasterii initia diserte reponit anno 736, tametsi angustioris basilice fundamenta in honorem sancti Wigberti jacta sunt anno 830, post annos 94 a monasterii origine.

^b Sanctus Bonifacius Sturmum *eremitam* suum vocare solebat, teste Candido in Vita sancti Egidii abbatis.

Die autem secundo quo profectus est, ad episcopum ambulando pervenit, et in loco eum superius dicto *Frideſtar* invenit. Cumque indicatum sancto fuisse episcopo, eremitam suum Sturmen adfuisse, statim illum præcepit ad se duci. Cumque adductus fuisse ante eum, ad terram se humiliiter prostravit, et salutato pontifice, se benedici poscebat. Cui benedicto et resalutato, ad se accedere eum jussit, et osculato eo, iuxta se sedere præcepit; et cum omni charitatis affectu in adventu illius letatus est, rogavitque eum ut aliquantulum propter ejus amorem et præsentiam sibi a constituto jejunio indulgeret. Quod vir Dei, cum magna agens discretione, propter reverentiam summi sacerdotis et magistri assensit. Totum sanctum, inquit, credo, quod a vobis mihi fuerit imperatum. Mensa posita in præsentia episcopi fuit, suscepis coram eo cibis, quos ille præcepit honeste comedere. Cui refecto ferculoque levato, surgens episcopus adduxit secum in secretiorem locum solitarium suum, ubi diutissime de spiritualibus tractavere rebus, et de conversatione multum disputavere. Erat quippe pontifex sanctus nimium animo intentus (quod postea claruit) monachicam in solitudine instituere conversationem. Unde etiam tunc inter cætera colloquia percontatus est quid de exploratione loci habuisset actum. Cui adveniens anachoreta Sturmi respondit: Navigavimus, inquit, sursum per alteum fluminis Fuldae; per plures dies nihil tale reperimus quod vobis laudare præsumamus. Intellexit sanctus episcopus prædestinatum a Deo locum necdum fuisse revelatum. [Supple ideo] Prophética voce locutus est ei, dicens: Locus quidem in illa solitudine a Deo paratus est, quem quando vult Christus servis suis ostendet. Quapropter noli de inquirendo cessare, sciens et credens quod eum absque dubio ibi reperies. Sic cum certum de loci inventione factum, et ad monasticæ vitæ amorem incitatum, et de spirituali contra zabulum certamine multum imbutum, ad dilectam remeare permisit eremum. Qui cum suam pervenisset ad cellam quæ in loco superiorius jam comprehenso *Hersfelt* fuerat constructa, salutatis fratribus quos ibidem reperit, præceptum ac prouiesum sancti exposuit episcopi.

7. Cumque parumper penes ipsos fessus respirasset, stravit asinum suum, sumptuque viatico solus profectus est, iter suum Christo, qui est via, veritas et vita, commendans, solus omnino sedens super asinum, per vastissima deserti loca pergere coepit. Tunc avidus locorum explorator, ubique sagaci obitu montuosa atque plana perlustrans loca, montes quoque et colles vallesque aspiciens, fontes et torrentes, atque fluvios considerans, pergebat. Psalmos vero in ore retinens, Deum gemitibus, animo ad celum levato, orabat; ibi tantummodo quiescens, ubi eum nox compulit habitare. Et tunc quando alii cubi noctabat, cum ferro quod manu gestabat, sepiem caedendo ligno in gyro compositum ad tutamen animalis sui, ne feræ quarum perplura ibi multitudo erat, illud devorarent. Ipse autem in Dei nomine si-

A gno crucis Christi fronti impresso securus quiescebat. Sic vir sanctus armis spiritualibus perornatus, lorica justitiae totum corpus induens, scuto fidei pectus muniens, caput galea salutis protegens, gladio verbi Dei accinctus, ad certamen contra diabolum processit. Tunc quadam die, dum pergeret, pervenit ad viam quæ ad Turingorum regionem mercandi causa ad Magontiam pergentes ducit, ubi platea illa super flumen Fuldam vadit: ibi magnam Sclavorum multitudinem reperit, ejusdem fluminis alveo... lavandis corporibus se immersisse. Quorum nuda corpora animal, cui præsidebat, pertimescens, tremere coepit, et ipse vir Dei eorum fetorem exborruit. Qui more gentilium, servum Domini subsannahant, et cum eum ledere voluissent, divina potentia compressi et prohibiti sunt. Unus autem ex illis, qui erat ipsorum interpres, interrogavit eum quo tenderet. Respondit, in superiorem partem remi se fore iturum.

8. Sicque vir Dei per horrendum solus pergens desertum, preter bestias, quarum in eo fuit abundantia, et avium volatum et ingentes arbores, et præter agrestia solitudinis loca nihil cernens, tandem quarto die prætergrediens locum ubi monasterium situm est, superiora petens, ubi flumen quod dicitur Gysilaha Fuldae alveo se immiscet; deinde paulo superius progressus, ubi semita fuit quæ antiquo vocabulo Ortesueca dicebatur, post occasum solis pervenit, ibique se et asinum suum munire propter nocturnos incursus satagens. Cum autem ibidem se nocturnis castris munire curaret, audit proœci sonitum aquæ, quod utrum feræ an homo fecisset, ignorabat. Stans silenter, intentis auribus auscultabat: audit iterum sonitum aquæ. Tunc quia vir Dei clamare noluit, cavam ferro quod manu ferebat pulsavit arborem, intelligens hominem esse, nutu Dei. Ille vero cum audisset sonitum pulsantis, illue properans proclamavit. Qui cum appropinquasset, videntes alterutrum mutuo se salutaverunt. Cumque cum hemo Dei interrogasset unde veniret, respondit se de Wdereiba venire, domini sui Orcis equum in manuducere. Collocantes itaque se ibidem, pariter nocte ita manserunt. Erat quippe ille homo locorum in solitudine peritissimus. Cumque illi vir Domini quod animo gestabat et quid gereret revelasset, coepit ei locorum nomina indicare, et torrentum et fontium fluenta denuntiare. Qui cum tuac in illo fuiserant loco qui antiquo vocabulo *Aihoh* nuncupatur, mane surgentes inde, alterutrum se invicem benedixerunt; et statim vir secularis ad *Grapfeli* per viam suam pergere coepit.

9. Servus autem Domini statim inde reversus, Domino Christo iter suum et spem omnem commendant, per desertum more suo pergere coepit solus, Qui cum *Aihoh* gradiebatur, et ei illuc terra disperceret, venit ad torrentem qui usque hodie *Greribach* dicitur: visisque illi loci positionibus et terræ qualitatibus, paulisper remoratus est. Inde regressus pusillum, ad benedictum et a Domino jamdudum

præparatum pervenit locum, ubi nunc sanctum situm est monasterium. Quo cum pervenisset, statim sanctus vir Sturmii immenso repletus gaudio, alacer et exultans ibat. Intellexit enim per merita et orationes sancti episcopi Bonifacii talem sibi locum esse a Domino revelatum. Tunc circumquaque iens persingula quæ aspiciebat, Domino gratias referebat. Quanto longius et latius gradiebatur, tanto amplius gratulabatur. Cumque ibi loci pulchritudine delecatus, non modicum diei spatium gyrando et explorando exegisset, benedicto loco et diligenter signato gaudens inde profectus est.

10. Igitur vir Dei secundo ad *Hersfelt* perveniens, socios ibi suos sanctis insistere precibus reperiebat: loci repotionem quibus referebas, eos illuc prosectorum secum properare imperavit. Subito ipse petita a fratribus oratione, ad *Selehim*^a petiturus episcopum, profectus est. Ad quem eum ambulando post dies paucos pervenisset, atque ab eo benigne esset suscepitus, repertum ei locum laudando referre cœpit. Aestimo, ait, dilectum tibi locum nunc esse repertum. Cumque ei loci illius statum et qualitatem terræ et aquæ decursum, quæ usque hodie monasterio sufficiunt, revelasset, satis alacrem reddidit episcopum; pariterque gratulantes et Domino gratias referentes, suave colloquium inter se de vita et conversatione monachorum diutissime habuerunt.

11. Post dulces sermones sanctus episcopus, retento parumper penes se solitario suo, diligenter eum sanctis instruere curavit sermonibus, et sacris Scripturæ sententiis, ad monasticae vitae amorem incitare. Sic enim uberiore doctrinarum fonte irrigatum, et plurimis sanctæ Scripturæ admonitionibus confortatum, ad eremum eremitarum suum Sturmen abire sanctus permisit episcopus. Ipse vero ob confirmationem reperti in eremo loci ad palatium regis profectus est. Sturmii autem postquam ad suos pervenit in solitudinem socios, et se ad locum quem repererat, cum fratribus voluisse conferre, et non jam tunc ex quo in eremo habitare cœperat, anno ab *Hersfelt* regressus est; invidus omnium bonarum rerum diabolus pertimescens servorum Dei in solitudine conversationem, malorum hominum mentes instigat, ut sanctum servis Christi contradicerent locum. Sancti vero servi Dei cum pravorum hominum obstinationes, imo zabuli adversitates ferre necedunt possent, diverternat inde, et secesserunt in locum qui dicitur *Chrilhari*.

12. Sanctus quoque Bonifacius episcopus, ut præfatus sum, ad Carlmannum Francorum regem perrexit, et humiliiter sapienterque ad eum locutus est. Ad perpetuam, inquit, remunerationem vestram co-

^a Locum Amanaburgo et monasterio Fritisiensi in Haasia vicinum concesserat Bonifacio Adalgerus clericus, apud Othlonum in lib. II, cap. 18.

^b Legendum videtur nono; diu siquidem Hersfeldensem solitudinem incoluere socii Sturmii, dum iste res saperius memoratas executus est. Unde sat illis fuit temporis ut monasterium rudi (ut tantorum hominum frugalitas serebat) artificio de-

A gito, si Deus omnipotens voluerit, et vestrum adfuerit auxilium, in orientali regno vestro monachorum vitam instituere, et monasterium fundare, quod præteritis temporibus ante nos nemo inchoavit. Unde nunc vestrum in hoc pium poscimus adminiculum, quatenus vobis immarcescibile munus coram altissimo rege Christo in futuro et infinito maneat regno. Hahemus enim in solitudine quæ Bochonia nuncupatur, juxta fluvium qui dicitur Fulda, locum aptum servis Dei inhabitandum repertum, qui ad vestram pertinet ditionem. Nunc vestram pietatem poscimus ut nobis locus ille donetur, quatenus in eo per vestram defensionem Christo servire queamus. Quo auditio, rex nutu Dei gavisus est, et congregans omnes principes palati sui, petitionem episcopi collaudans indicavit, atque coram eis episcopo sancto locum quem postulaverat tradidit, dicens: Locus quidem quem petis, et qui, ut asseris, *Eihloha* (Aiclocha) nuncupatur, in ripa fluminis Fuldae, quodque in hac die proprium ibi videor habere, totum et integrum de jure meo in jus domini trado, ita ut ab illo loco undique in circuitu, ab oriente scilicet et occidente, a septentrione et meridie, marcha (*id est* limes) per quatuor millia passuum tendatur. Porro rex jussit chartam suæ traditionis scribi, quam ipse propria manu firmavit. Et misit nuntios suis ut congregarent omnes viros nobiles qui in regione *Grapfelt*^c commorassent, ut eos regis sermonibus rogassent, ut omnis quicunque in loco illo aliquid proprium videretur habere, quemadmodum fecit rex, ita et ipsi tradendo facherent. Cumque ad conditum diem omnes fuissent congregati, advenientes regis nuntii: Oinnes vos, inquit, rex suis salutare præcepit sermonibus, poscebatque et imperabat ut omnis qui aliquid proprietatis visus fuisset habere in loco qui dicitur *Eihloha*, servis Dei inhabitandum totum traduceret. Qui cum hoc audissent, nutu Dei statim cum omni diligentia, quidquid ibidem habere potuerunt, viro Dei Sturmi totum tradiderunt.

13. Igitur hac traditione undique firmata et loco illo de jure hominum in jus Domini tradito, beatus Sturmii in *Dryhlar* (Chrichlar) perrexit ad fratres. Inde non post multos dies surgens, assumptis fratribus secum septem, commigravit ad locum ubi nunc sanctum situm est monasterium, et anno Incarnationis Christi septingentesimo quadragesimo quarto, regnibus in hac gente Francorum duobus fratribus Carlmanno atque Pippino, indictione 12, mense primo, duodecimo die mensis ejusdem, sanctum et a Deo dudum prædestinatum ingressus est locum. Dominum Christum illum semper tueri, et sua invicta potentia defendi [defendere] implorabant, sanctis

linearent. Certe ab anno 736, quo a Lamberto initia Hersfeldensis cœnobii locantur, ad 744, quo Fuldense monasterium constructum est, novenorum fere annorum numerus intercedit.

^c Sic vastæ solitudinis Boconia extirpatores accusas Graveldos vocat Gregorius II. in epistola ipsis directa, apud Othlonum, in lib. I, cap. 29.

Domino psalmodiis et jejuniis vigiliisque et orationibus die nocturne famulantes, silvas cædere, et locum mundare proprio labore, in quantum prævaluebant, studebant. Expletis autem duobus mensibus, venerandus ad eos archiepiscopus Bonifacius congregata hominum multitudine perrexit: conspectis cunctis loci illius commodis, et utilitatibus immensis exploratis, in Spiritu sancto exultabat, grates Christo referens et laudes quod servis suis talem in eremo tribuere dignatus est habitationem. Hominibus vero qui cum eo venerunt in locum ubi ei et servis Dei pariter cum eo visum est ecclesiam ponere, et fructu quoque cædere imperavit. Ipse se in montem qui usque hodie Mons Episcopi appellatur, contulit, ubi jugiter Dominum orabat et ibi sacris libris scrutando insudabat, et propter hoc monti vocabulum indidit. Post unius septimanæ impletionem, dirutis innumeris silvis et arboribus, et rase ad calcem faciendam composita, episcopus benedictis fratibus et loco Domino commendato, cum operariis cum quibus venerat, inde migravit. Altero autem anno sanctus episcopus iterum illuc properans, ad novellum cœnobium pervenit suum; quod jam tunc, propter meatum fluminis, Fulda vocari inchoaverat. Visis fratibus salutatisque, penes ipsos complures explevit dies: in quibus novellos monachos suos instruere curavit, et monasticæ regule disciplinas secundum sancte Scripturæ traditionem statuere apud ipsos non cessabat. Qui cum fratibus sacras exposuisset Scripturas, et quod nusquam vinum monachorum legeret esse; consensu omnium decretum est, ut apud illos nulla potio fortis^b quæ inebriare possit, sed tenuis cervisia, biberetur. Quod post plures annos, crescente familia, propter ægrotos et imbecilles, tempore Pippini regis synodali decreto immutatum est. Aliqui tantum [Forte, tamen] ex fratibus usque ad finem vite sue se a vino et cæteris fortibus potionibus abstinnerunt. Post non multum secrete habito cum Sturmi colloquio, quo eum qualiter præesse cæteris deberet docuit; et post uberrima documenta et monita, quibus fratres qualiter obediens et subesse deberent imbuit, salutatis ipsis Christoque eis commendatis, inde profectus est. Sic vero solebat sepe illos visitare ipse, et per singulos annos, quantis vicibus licuit, propter episcopalem curam, quam plurimam habebat in populo, venire et morari apud

^a Rase Germanis cespes, inquit Browerus. Id genus cespitis Galli nostrates vocant *des troubles*, quod genus sic parant: Euisos e pingui solo cespites ad sollem desiccant, tum desiccati igni admoto fomentum et materiam adhibent, sive ad calcem faciendum, sive ad domesticum usum.

^b Hinc Bonifacius in epistola ad Zachariam papam, apud Othlonum in lib. II de Vita sancti Bonifacii, cap. 12: « Monasterium construentes, monachos constitutimus sub Regula S. P. Benedicti viventes, viros stricte observantia, absque carne et vino et servis, proprio manuum suarum labore contentos. » Lege Zachariæ privilegium ibid., capp. 4 et 14; Pippini vero, cap. 17. Ex his patet monasterium Fuldense ab ipsis primordiis Regule Benedictinæ fuisse additum: nec aliam causam Italici itineris Sturmum

A locum illum, et propriis manibus operari studebat, et sepe in dilecto sibi monte superius dicto mysticas scrutando Scripturas et Christum familiariter orando insidebat.

14. Porro cum fratres Regulam sancti Patris Benedicti inhianter observare desiderassent, et ad monasticae disciplinae normam sua corpora mentesque toto animo inclinassent, consilium utile inierunt, quatenus aliqui ex ipsis ad magna alicubi mitterentur monasteria, ut fratrum ibi concordiam et conversationem regularem perfecte disserent. Quod cum sancto fuisse indicatum episcopo, prudens illorum collaudavit consilium, et hanc legationem studioso Sturmi injunxit. Qui præparatis itineris necessariis, assumptis secum duobus fratibus, quarto ad locum prædictum

B ingressum anno, Romam profectus est, atque in illa terra cunctis monasteriis lustratis^c, et omnium mores ibi fratrum consistentium traditionesque monasteriorum ad plenum discens, integrum annum apud illa monasteria perseverans, secundo inde anno, repletus quibus viderat virtutibus, regressus est. Cura ad hanc Domino opitulante terram perveniret, corruptus morbo apud Chitzinga^d monasterium, hebdomadas quatuor ægrotavit. Tunc ex infirmitate convalluit, et ad episcopum Bonifacium, qui tunc forte in Turingia fuit, perrexit. Quo viso nimium episcopus gavisus, et Domino adventus sui gratis referens, multum ab illo de regionibus quibus venerat, percontatus est. Et dum eum prudenter mores gentis illius et disciplinas monachorum referre agnovit:

C Vade, inquit, et novellum monasterium Fuldam, ad instar morum monachorum quorum ibi vitam contemplatus es, quantum quiveris, instituas. Statim vir beatus Sturmi, petita ab episcopo oratione, perrexit ad eremum, gratusque suis ad vivendum fratibus die quarto advenit: quibus ea que in Italiae partibus et Tusciae provinciæ monasteriis a sanctis Patribus didicerat, et verbis prudentibus prompsit, et exemplis in semetipso monstravit. In omni enim disciplina quam fratibus posuit, prius semetipsum exercere curavit, ne forte quispiam de illo dicere potuisset: Cur hæc, quæ doces, ipse non facis? Desiderium tunc ingens inerat fratibus, ad omnia quæ eis dicta vel ostensa fuerant, sanctorum exemplis semetipsos toto adnisi aptare, et Regulam sancti Benedicti, quam se implesse [impleturos] promise-

D habuisse quam ut conversationem regularem perfecte disseret, infra, quam Fritislariæ jam hauserat adolescentes.

^c In his Casinense, quod tum Petronace abbatie e ruderibus emergere et resorescere cooperat.

^d Inter monasteria virginum quæ sanctus Bonifacius construxit, inquit Trithemius in fine Chronicæ Francæ, adhuc eminet monasterium in oppido Kitzsingen juxta Mogonum (Moenum fluvium, infra Moyn vernacula appellatum), cui præfuit sancta virgo Handelonga, quæ Teclam nominavit, ex Anglia oriundam. Trithemio preivit Othlonus in lib. II, cap. 25. Verum oppidum hoc Francie Orientalis in manus traditum principis novitiae religionis, id est marchionis Anshacensis, hoc decus etiam virginitatis amisit, inquit Browerus.

rant, ad omnia observabant. Annos sic plurimos in sanctis moribus degeantes, monasterium adventatione multorum crescebat, quoniam multi ad serviendum Domino se ibi et suas possessiones tradiderunt. Crescente ita familia Christi, et loco multiplicari inehante, fama illius bona in universas provincias diffunditur, et rumor eximius per longe posita monasteria ad omonium sanctorum fratrum pervenerat aures. Cumque plurima illic monachorum congregatio sub sanctæ Regulæ disciplina districtam duceret vitam, sanctus eos visitare episcopus per plura studuit tempora; misertusque illorum paupertati, aliquas eis villulas ad exquirenda cibi necessaria tribuit.

15. Anno decimo postquam ad sanctum commigravit locum sanctus archiepiscopus Bonifacius, initio cum rege et cæteris Christianis consilio, ad ultiora Fresonum loca paganico ritu [ritui] dedita ingressus est, ingentemque ibi multitudinem hominum Domino docendo et baptizando acquisivit. Inde post multum temporis migrans, sospes ad suas in Germaniam pervenit Ecclesias. Sequenti vero anno iterum ad aquosa Fresonum pervenerat arva, cœptum opus prædicationis implere desiderans. Quo cum pervenisset, et die quadam ad suam doctrinam populum convocasset, venerunt unusquisque de loco suo, non quasi humiliiter ad verbum Domini audiendum, sed spiritu maligno inflati, cum infestis armis ad sacra sermonis Domini festa proruunt; et sanctum Christi antistitem ferro trucidarunt, omnemque ejus comitatum gladiis necaverunt. Episcopo vero et cæteris quampluribus cum eo martyrio coronatis, ex superiore Fresonia, a ^b Trech scilicet cœnobio, fideles venientes fratres, rapuerunt corpora sanctorum martyrum, et ibi in sepulcris alia posuerunt, alia vero assumentes secum, sancti videbilec Bonifacii episcopi, et sanctorum qui cum eo pariter passi sunt presbyterorum et diaconorum; et unius episcopi nomine Eoban, eius corpus assumentes, caput ejus ab hostibus abscisum reperire non poterant. Quo cum pervenerunt, sancti episcopi Bonifacii in minore quæ eis vicinior erat ecclesia cum grabato quo a navi ferebatur statuerunt; cætera martyrum corpora sepulturæ tradiderunt. Tunc omnes loci illius habitatores concilium grande inierunt, quatenus penes eos in loco illo sancti martyris Bonifacii corpus deinceps omni tempore quiesceret, magnum ut pote adminiculum sibi fore, si tanti martyris protectio tueretur. Jejuniis et orationibus indictis, ut sanctus martyr apud eos sibi manere dignaretur Dominum orabant, et locum ei ad quiescendum honorifice in basilica majore præparabant. Sanctus vero martyr ad locum in solitudine, quem ipse sibi nutu Dei eligerat [elegerat], corpus suum

^a Id est anno undecimo a condito monasterio Fuldensi, qui annus ære Christianæ 754 respondet, iquidem ineunte anno 744 Sturmius locum incolere cepit, supra num. 13. Et tamen Willibaldus sancti Bonifacii martyrium illigat anno Christi 755.

^b Sic corrigimus libros editos in quibus legitur ad Trech, cœnobia, etc.

A deferri voluit: quod statim claruit. Quod dum velent ad alteram portare ecclesiam, et ibi in sarcophago ponere, accedentes manus suas in feretrum miserunt, nec levare potuerunt ^d. Multo plures alii se adjungentes, nec sic quidem feretrum, in quo sanctum cadaver jacebat, movere quiverunt.

16. Intellexerunt ergo ejus non esse voluntatem ut in eodem loco maneret; sed eum ad Mogontiam civitatem debere deferri pronuntiabant. Protinus grabatum absque ulla difficultate levantes, ad flumenque portantes et puppi imponentes, per Rheni alveum navim trahere, et superiora petere cœperunt. Quo auditu, Sturmii de Fulda cœnobio in eremo constituto cum festinatione obviam venire curavit, et cum eis pariter perrexit, donec prospero et levi B transitu ad Mogontiam urbem pervenerunt. Sacerdotes statim et omnis clerus urbis illius accedentes, sancti martyris corpus assumentes, in basilicam suam eum honore posuerunt. Universi tunc sacerdotes et clerici et populus omnis consona pariter voce dicebant fas non esse ut sanctus Dei martyr alium deferatur in locum, sed ubi episcopalem sedem vivens habuit, ibi etiam oportere eum corpore quiescere. Insuper etiam de palatio a rege nuntius venit, qui dicit regem imperasse ut sancti martyris corpus in civitate eadem, si ipsius esset voluntas, poneretur. Sturmii vero et qui cum eo de eremo convenerunt, constanter dixerunt, quod sanctus episcopus plenrumque apud eos manens, et locum eis ubi corpus suum posuissent [ponerent] demonstrarit, et quod absque dubio ibi in solitudine voluisse corpori quiescere. Interea vero dum in hunc modum contendebant, et Lullus episcopus civitatis illius omnimodis voluisset prohibere ne beati martyris corpus ad solitudinem perveniret, nocte per visionem cuidam diacono ^c sanctus astigit episcopus: Cur ne, inquiens, tardatis ad locum meum Fuldam deferre? Surgite, ait, cito, et propere me in solitudinem, ad locum quem mihi predestinavit Deus, perducite. Qui consurgens, visionis quæ ei fuerat ostensa ordinem, primo Sturmii, deinde primatibus cunctis narravit. Nimio tunc omnes terrore correpti, ultra sancti martyris inde transitum contradicere timuerunt. Lullus tamen, qui illic erat episcopus, revelationem sancti martyris credere prius nullatenus voluit, quam is qui visionem viderat, manum sacro altari imposuisset, et cum juramento hoc quod viderat confirmasset. Tum vero secundum Domini potentiam, cuius voluntati contrairi non potest, beati martyris corpus cum summo honore levatum est, aique cum spiritali carmine ad flumen portatum et navi impositum, et usque ad Hohheim villam quæ in ripa Moyn consistit, navigio transvectum est. Inde vero post dies pau-

^c Id est feretro, ut paulo infra mentem suam explicat auctor; quo sensu haec vox passim ab auctoribus mediæ ætatis usurpatur.

^d Nihil simile a Willibaldo Othlonove scriptum in Actis sancti Bonifacii legitur.

^e Optimum vocat Othlonus in lib. II de Vita sancti Bonifacii, cap. 24.

cos, id est tricesimo passionis ejus die, ad cœnobium Fuldam, sanctum sacerdotis deportaverunt cadaver, et in novum sepulcrum posuerunt. Postera die Lullus episcopus, cum clericis et reliqua turba cum qua venerat, inde migravit. Venerandus tunc Sturmi abbas cum suis fratribus Christo gratias referebant, quod tantum patronum, sanctum videlicet Bonifacium, Dei martyrem, juxta se habere meruerunt. Coepit deinde post adventum sancti martyris sanctus et electus a Deo crescere locus, et magnus apud omnes haberi, et monasterium augeri: ut pote quoniam multi nobiles certatim et concite properantes, se suaque omnia ibi Domino tradiderunt. Sic quotidie sanctus monachorum numerus crescens ^a in Domino confortabatur, et sancte conversationis disciplinam indefessa et incessabili perseverantia fratres ibi Dominino servientes tenuerunt. Quanta vero miracula ibi tunc fiebant, quantaque adhuc quotidie flunt, alii plus peritis ad scribendum derelinquo.

47. Sturmi autem amabilis omnibus in monasterio et foris in populis mirandus, ministerium suum studiosissime exercuit, prius semper semetipsum exemplum proponens cæteris: quod verbis docuit, faciis ante monstrabat. Lullo tantum fama ejus bona displicuit, et semper propter invidiam ^b adversus eum faciebat. Qui cum verbum Domini instanter ubique prædicasset, et eum diligenter omnes auscultassent; hostis humani generis invidus tantam in plebe utilitatem non sustinens, discordias inter fratres seminare coepit, et trium falsorum fratrum mentes instigabat, ut fallaces causas componerent: Sturmen vero Dei servum, et fidem universis, apud regem Pippinum accusarent. Hi cum talibus snaslonibus diaboli essent seducti, malo inter se consilio inito, in Lulli episcopi suffragium consilii perrexerunt ad regem, et beatum virum apud illum accusabant, crimen nescio quod de inimicitia regis objicentes ei. Cumque vir Dei Sturmi illuc esset presentatus, illorum falsitatem patienter sustinens, noluit se magno opere inde excusare; sed: Ecce testis meus, ait, et conscius meus in celso; et Dominus Deus auxiliator meus, et ideo non sum confusus. Tunc pravorum prævaluit voluntas, jussitque rex Pippinus beatum tollere virum, et in exsilium cum paucis suis mittere clericis ^c, id est ad magnum cœnobium quod dicitar Unnedica ^d; ubi ab abbate, qui illi monasterio tunc præfuit, et ab omnibus fratribus benigne et honorabiliter est susceptus, et ibi per biennium amandus omnibus exsulabat. Quod cum de Fulda cœnobia andivissent fratres, et eis nuntiatum esset de abbatе suo, qualiter abstractus erat ab eis; nimium permoti, et ultra quam dici possit conflictati sunt. Magna quippe tunc erat conturbatio in domo Dei. Alii volebant de monasterio exire, alii ad palatum per-

^a Ante sancti Sturmii obitum, cœnobium quadringentorum circiter monachorum, exceptis pulsantibus et aliis minoribus personis, quorum numerus multiplex erat valde in ipso monasterio, Pater exstitit et præceptor, inquit Liudgerus in Vita sancti Gregorii abbatis Trajectensis, num. 10.

A gere, alii jejuniis et orationibus Deum omnipotentem exorabant, ut ipse eis per suam misericordiam subveniret. Tunc rumor eximus omnium aures et ora pariter compleverat, quod beatus Sturmi abbas a cœnobia Fulda esset per consilium Lulli episcopi ablatus. Omnes pariter graviter hoc ferebant. Non erat in ista orientali plaga ecclesia, quæ non ejus plangeret exsilium.

48. Lullus interim obtinuit apud Pippinum regem, munera iusta tribuendo, ut monasterium Fulda in suum dominium donaretur: acceptaque superdictione [Forte jurisdictione], abbatem ibi qui sibi per omnia obtemperaret, constituit quemdam [Supple familiarem]... suum, qui dicebatur Marcus. Sed quoniam fratres animos suos ab illo propter Prioris amore avertabant, erat eis quasi extraneus, et non conveniebant mores ipsorum. Qua inconvenientia morum, licet corporibus simul habitassent, mentibus ab invicem disjuncti erant. Cumque in tali discordia degerent, et fratres semper meditarentur qualiter iterum per Dei gratiam Sturmen abbatem suum asciscere potuissent; Marcum quem inviti, Lullo faciente, super se abbatem acceperunt, ejus ulterius controversiam ferre non valentes, bonum consilium inierunt, et eum abjecerunt, et ne ignorum ulterius abbas fieret, unanimiter contradixerunt. Quo amoto, omnes fratres de monasterio voluerunt exire, et ad regis Pippini palatum pergere, abbatem suum, a rege Sturmin postulare. Quod cum Lullus audiret, mitigare eos blandis persuasionibus studuit, promittens eis, ut ipsi sibi de propriis fratribus inter se abbatem qui eis placeret constituerent. Quod cum omnibus placuisse, fratres bonum ex ipsis omnino fratrem, et vere Dei servum, omnibus bonis moribus ornatum elegerunt, nomine Preszoldum, quem ab infantia sua beatus Sturmi edocuit, et multum amat illum; ipsum super se abbatem ordinaverunt, ad hoc tantum, ut illi cum ipso et ipse pariter cum eis quotidie tractarent, quemadmodum cum adjutorio sancti martyris Bonifacii et cum omnipotentis Dei gratia ad hoc pervenire potuissent, ut pristinum suum magistrum Sturmen a rege Pippino sibi concedi postularent. Ipse vero Preszoldus tempus non modicum fratribus præfuit, et eos cum charitate adunatos habuit, cum eis pariter die noctisque mente pertractans, quemadmodum, Christo favente, magistrum et abbatem suum Sturmen revocare ad se per regis Pippini voluntatem possent.

49. Porro cum Preszoldus de Patre et magistro suo Sturme profunde cogitaret, et sancti fratres cum eo de absentia ejus multo mœrore afficerentur, Dei omnipotentis præsidium continuis precibus postulabant, ut ipse, cui nihil impossibile est, per suam invictam potentiam præstaret, quatenus ad eos illorum

^b Id paulo asperius dictum in sanctum Lulum.

^c Id est, monachis.

^d Suspectam habet vocem Browerus, cui divinaro religio, uti et nobis. Venedica tamen et Inda affines voces suggestit: ast Indense monasterium necdum constitutum erat.

magister venire permetteretur. Quod cum per se diutius fecissent, et omnes orientales ecclesias, per omniaque monasteria servorum et ancillarum Dei in circuitu orationes incessabiles essent ad Deum pro eo, consolator humilium Deus preces exaudivit supplicantium. Et quia hoc constituit ut postularetur, precibus fidelium annuens, suscitavit cor Pippini regis, ut de beato Sturme cogitare coepisset, et eum de exsilio, ubi erat, ad palatium suum adduci honorifice præcipere. Qui cum adductus ad palatium concite fuisset, et ibi in capella regis per plures esset dies Deum orans, exspectans quid ei rex imperasset, contigit quadam die, ut in venationem rex pergeret, ac, ut solitus erat, ad orationem primo diluculo veniret, et ceteri servi ^a Dei post vigilias matutinas quiescerent. Solus Sturmi vigilabat, et ingressum regis observans, januas ei ecclesia aperuit, et cum claro lumine ad orationem ante eum ibat. Rex vero cum ad sacras aras Deum regem humiliter exorasset, erexit se, et alacri obtutu Sturmen intuitus: Dominus, dixit, congregavit nos modo; et, quid hoc fuit, quod monachi tui apud nos te accusaverunt, nescimus; et unde irati suimus contra te, ignoramus. Sturmi vero constanter ait: Licet a peccatis immunitis non sim, contra te tamen, o rex, delictum non feci. At ille: Sive, inquit, unquam aliquando contra me nequiter cogitaveris, aut inique aliquid gesseris, Deus tibi totum dimittat, et ego ex meo corde ignoscō; et deinceps esto, ait, in gratia et in amicitia mea omni tempore. Tollensque manu sua de pallio suo filum, projectit in terram, et dixit: Ecce in testimonium perfectae remissionis filum de pallio meo projicio ^b in terram, ut cunctis pateat quod pristina deinceps annuletur inimicitia. Ita pacati firmiterque in amicitia fundati, rex iter quod coepérat, arripuit.

20. Igitur post tempus breve, Preszoldus et reliqui fratres de monasterio Fulda, comperientes quod amandus illorum magister Sturmi in gratia et in amicitia domini regis esset receptus, cogitaverunt ad palatium ire, et regem deprecari pro magistro; miseruntque ad palatium, postulantes a rege abbatem suum eis dari: sicut omne quod Deus voluit fieri, facile et absque labore evenit. Rex vero petitiones fratrum benigne suscipiens, venerandum Sturmen abbatem ad illos se mittere promisit: quod per multas orationes servorum et ancillarum Dei fieri credimus. Post non multum temporis spatium rex vocari ad se Sturmen jussit, eique monasterium

^a Id est, monachi qui in palatio degebant, quibus abbas, palatinus dictus, præferat.

^b Insignis locus de symbolo condonandi injuriam, et quidem fere singularis.

^c Exstat Pippini regis hac de re diploma, sed Bonifacio superstite inscriptum, apud Othlonum in lib. II, cap. 17; Zachariae vero cap. 14. In lib. III Antiq. Fuld., cap. 8, legitur privilegium Sturmio a Stephano papa concessum in confirmationem immunitatis Fuldensis, in quo Stephanus præcipit, ut Sturmius ^d Fratres suos secundum Regulam sancti Benedicti dirigat.

^d Hinc derivatum videtur Gallicum vocabulum,

A Fulda quod prius habuit, ad regendum commendavit, absolutumque ab omni dominio Lulli episcopi, ad cœnobium Fulda eum cum omni honore ire præcepit, et cum suo privilegio quod beatus Zacharias papa, summus apostolicæ sedis pontifex, dudum sancto tradidit Bonifacio, monasterium regeret (quod privilegium usque hodie in monasterio fratres conservatum habent): quod etiam causam suam et monasterii defensionem a nullo alio quereret nisi a rege, imperavit. Accepta a domino rege potestate, cum privilegio supradicto quod de manu regis ^e accepérat, ad suum perrexit cœnobium. Divulgatum tunc statim fuit per cunctas has provincias, Sturmen venturum fore ad terram hanc, et ubique servis Dei et ancillis per universa monasteria mox ejus B de exsilio reditus innotuit: qui omnes Christo immensas refrebant grates. Fratres vero cum appropinquasse eum monasterio cognovissent, sumpserunt crucem auream et reliquias sanctorum, et obviam ei a monasterio longius processerunt: salutatoque illo et his qui cum eo venerunt, cum spirituali carmine eum ovantes monasterium introduxerunt, et Dominum suum laudaverunt, qui eis diu optatum dedit abbatem: et facta est lætitia magna inter eos.

21. Ipse vero Sturmi studio magno deditus, quemadmodum initium ficeret, coepit fratrum emendare vitam et mores corrigeret, et ministeria illorum monastica constituere. Templum, id est ecclesiam, quod tunc habebant, ornare, et domos omnes monasterii recentibus columnis et grandibus trabibus, novisque tectorum structuris corroboravit. Post autem non longum temporis cogitans, qualiter adimpleri petuisset quod sancta Regula præfatur (Cap. 66), ut artes diversæ intra monasterium confinarentur, ne forte propter aliquam necessitatem foris vagandi fratribus opus fieret; congregatis quantis potuit fossatoribus, et ut ipse erat acer ingenio, explorato passim cursu fluminis Fuldae, non parvo spatio a monasterio, ipsius amnis fluenta a proprio abduxit cursu, et per non modica fossata monasterium influere fecit, ita ut fluminis impetus letiscaret cœnobium Dei. Quantum illud opus fratribus profuit, quantumque utilitatem adhuc quotidie ministret, et cernentibus et uentibus manifestum est. Super scutulatum vero beati martyris Bonifacii auro argenteoque compositam statuit arcam, quam nos solemus requiem ^f appellare, quam (ut tunc moris erat) pulchro opere condidit: quæ usque hodie super tumu-

C ^g Poisie, quasi dicas pausationem seu requiem, ad significandas honorarias umbellas, quæ magnatum tumulis imponuntur. Et quidem verisimilimum est, ciboria, repas, fredas antiquorum, seu aëdicularis quatuor columnis nixas, nonnunquam ex panno aureo aliisque id genus textis compositas fuisse. Quo spectat Bedæ lib. III, cap. II, ubi de sancti Oswaldii regis Merciorum agens reliquiis, et vexillum, inquit, ejus super tumbam auro et purpura compositum apposuerunt. ^h Signantius Gislebertus Lunicensis episcopus in epistola 30 inter Hibernicas Usserii, cibarium altaris umbellam interpretatur: mendose in editis cimbriorum legitur.

lum ipsius Christi martyris cum altari aureo, per severat.

22. Verum quia vir justus et Deo perfectus, apud universos magnus, et maxime apud Pippinum regem habebatur, impetravit suis apud ipsum regem sermonibus (habebat enim locum familiaritatis non modicum) ut fiscum, id est *Omenstat*^a, cum omnibus, quæ in illa villa antiqui reges possidebant, ad supradictum scipio monasterium in suam eleemosynam condonaret, atque per conscriptam chartam, sicut mos fuit, firmaret. Mortuo autem Pippino anno ab incarnatione Domini septingentesimo sexagesimo octavo, sui vero regni vigesimo tertio, Carlus filius ejus patri successit in regnum. Cum ergo ipse rex juvenis cunctos, qui patris sui prius honoribus prædiū erant, grandibus muneribus in gratiam suam provocaret, accersivit quoque venerandum abbatem Sturmen, illumque intimus amicitiis sibi conjunxit: quem cum multis saepe honoribus atque regalibus manificavit donis. Quodam tempore immisit Dominus in cor ejus, ut pro intuitu retributionis æternæ tractare coepisset: vocatoque ad se Sturme abbate, consilium cum eo iniit, et *Hamelenburg*^b cum omnibus quæ ad illum fiscum pertinēt, potestativa manu de jure suo in jus Domini et sancti Bonifacii ad caenobium Fulda tradidit. Quam traditionem fratres grataanter suscipientes, Domino pro illius incolumente preces usque hodie fundunt. Vixit deinceps sanctus Sturmi in gratia venerandi regis Caroli omne tempus vite suæ.

23. Illis quoque temporibus suscepta legatione, inter Carolum regem Francorum et Thasilonem Noricæ provinciæ ducem, per plures annos inter ipsos amicitiam statuit. Regnante feliciter domino rege Carolo, annos quatuor Saxonum gens seva et infestissima cunctis fuit, et paganis ritibus nimis deedita. Rex vero Carolus Domino semper devotus, cum ipse Christianissimus esset, cogitare coepit qualiter geatæ hanc Christo acquirere quivisset. Initio servorum Dei consilio, poposcit ut precibus Dominum votis suis annuere obtinerent. Congregato tam grandi exercitu, invocato Christi nomine, Saxoniam profectus est, assumptis universis sacerdotibus, abbatibus, presbyteris, et omnibus orthodoxis atque fidei cultoribus, ut gentem quæ ab initio mundi dæmonum vinculis fuerat obligata, doctrinis sacris mite et suave Christi jugum credendo subire fecissent. Quo cum rex pervenisset, partim bellis, partim suasionibus, partim etiam muneribus, maxima ex parte

^a In Traditionum libro, num. 21, exstat hujuscem donationis exemplum in *Idus Februarii Aurelianis civitatis factæ*. Inter alia Pippinus inducit sic loquens: « Donamus nos devoteque contradimus pro anima nostræ remedio, et fratri nostri Carlomanni commemoratione, ad Fuldense monasterium... quodam prædium Omenestat nuncupatum in pago Moynegow, cum omnibus terminis et appendicis suis, etc. » Haec Browerus in hunc locum.

^b Charta donationis, teste Browero, exprimit locum fici nostri juxta fluvium Sala: item vicinam villam Dietpach et Hunfeldiam, quæ jam oppidulum.

A gentem illam ad fidem Christi convertit. Et post non longum tempus totam provinciam illam in parochias episcopales divisit, et servos Domini ad docendum et baptizandum potestatem dedit. Tunc pars maxima beato Sturmi, populi et terræ illius, ad procurandum committitur. Suscepit igitur prædicationis officio, curam modis omnibus inpendit, qualiter non parvum Domino populum acquireret. Sed temporibus instabat opportunis, sacris eos sermonibus docens, ut idola et simulacra derelinquerent, Christi fidem susciperent, deorum suorum templa destruerent, lucos succiderent, sanctas quoque basilicas ædificarent.

24. Quo cum multum temporis prædicando et baptizando cum suis presbyteris peregrisset, et per regiones quasque singulas ecclesias construxisset,

B iterum postea Saxonum gens prava et perversa a fide Christi devians, vanis se erroribus implicavit, congregatoque exercitu ultra fines suos egressa est, et usque ad Rhenum vastans et depopulando cuncta pervenit. Cumque inde reversi essent, infesta cæde quoescunque invenire potuerunt, trucidarunt. Quorum

cum exercitus in Loganacinse, quod prope supradictum caenobium jacet, conseclisset, conspiraverunt ut lectam virorum multitudinem de exercitu ad ipsum monasterium mitterent, et cuncta quæ reperirent, igni comburerent, et servos Dei seruo trucidarent. Quod cum comperisset sanctus Sturmi, statim vocatis ad se fratribus, periculum quod eis imminentebat innotuit, et consilium dedit ut sancti martyris corpore assumpto, ad *Hamelanburg* properassent. Ipse vero vir Dei Sturmi foras in Wedereiba perrexit, studium habens si quo modo posset præparare conspirationem cohibere. Nos aulem fratres discipuli ejus, assumptio sancti martyris corpore de sepulcro, in quo annos^c viginti quatuor positum fuerat, a monasterio cum universis famulis Dei profici sci coepimus. Mansimus prima nocte ad proximam cellam, ubi Fulda alveo Fledera fluenta se miscent.

C Inde surgentes mane, ad ulteriore pervenimus Sinnam, ibique fiximus tentorium, in quo sacratissimum Christi martyris statuimus corpus, et in circuitu milites Christi castra metati sunt. Ubi cum in tabernaculis tres exigimus noctes, quarto jam die legati nostri venerunt, qui referebant, de parte et gente nostra nonnullos congregatos contra Saxones bellum inire, eosque victos ad proprias aufugisse terras. Quod cum audivissemus, sacra beati Martyris ossa sustulimus, et gaudentes ad monasterium unde digressi sumus, revertebamur; et Dei martyris

^c Metropolitani provincia ἵπτρχία, episcopi παροχία, primarium sedium ut Patriarcharum διοικησις olim dicebatur ex conc. Antioch. can. 9. *Parochia* antiquis magis placet pro diœcesi episcopi, quam parœcia. Certe parochos, inquit Nonius Marcellus, « a Græco tractum est nomen, quod vehicula prebeat. » Nam prehenda omnia παροχαι dicuntur. Nunc vulgo *Parochia* strictius sumitur pro qualibet diœcesis episcopalibus particula, cui singularis curio præest.

^d Concordant huic calculo Annales Fuldenses, qui id factum anno 778 referunt.

sancta sepulcro quo prius inerant ossa humavimus ^a. Christo Domino gratias referentes, quod pace concessa nostro monasterio inhabitare sineremur.

25. Tunc iterum rex Carolus, ad confirmationem inchoatae fidei Christianæ, cum exercitu ad illam terram perrexit, et venerandum Sturmum infirmum, jam senectute sessum, in *Heresburg* ad tuendam urbem cum sociis suis sedere jussit. Dispositis secundum voluntatem suam universis rex cum rediret, sanctum virum paucos dies post redditum suum in supradicta urbe sedere imperavit. Quo expleto, ad monasterium vir Dei rediit, habito secum medico domini regis Caroli, cui nomen Wintarus, qui ejus subveniret infirmitati. Dum vero quadam die, artis suæ ei nescio quam potiosem infuderat, cum qua minuere debuit infirmitatem; sed ita auxit, ut vati-dius et acrius ei lues acerba augeretur. Et anxius dicere coepit, quod ei medicus qui minuere morbum debuerat, malum grande irrogasset. Currere citius ad ecclesiam jubet, omnes gloggas ^b pariter moveri imperavit, et fratribus congregatis obitum suum cito ad futurum nuntiare præcepit, et pro se enixius orare postulavit. Congregata prius omni familia, domum in qua ipse jacebat, eam introduci fecit, atque omnem congregationem his verbis adorsus est: Vos, inquit, o fratres, studium meum cognovistis, qualiter usque in hodiernum diem pro vestra utilitate et pace labravi, et hoc maxime curavi qualiter istud monasterium post obitum meum perseverare in voluntate Christi valereret, et vos istic Domino servire sincere cum charitate quiretis, o filii. Nunc vero in con-

^a Et tamen arca, seu ciborium, super sancti Bonifacii tumulum erectora fecerat a Sturmio, supra num. 20. Non ergo sanctorum corpora in superna cibori part, siquidem fere solidum erat, sed in ipso tumulo humari tum solebant.

^b Sic campanas vocabant. Willibaldus, et Othonius in Vita sancti Bonifacii sub finem *gloccas* et *cloggias*

A cepto proposito omnes dies vita vestrae perseverate. Deum altissimum pro me orate, et si quippiam prave apud vos egis, vel aliquem injuste offendisti, ignoscite mihi: et ego cunctis ex intimo corde omnia convicia et omnes contumelias meas ignosco, necnon et Lullo, qui mihi semper adversabatur. Post ista et alia nonnulla bona verba, fratribus valedicens, dimisit eos. Egressis ergo fratribus, coepit vir sanctus acriter languescere, et ad supraem perurgeri. Erat universis moror, et tristitia magna animos obsidebat fratum, qui solius Dei, lacrymabili voce, misericordiam implorabant, et obitum sancti ac venerandi abbatis sui Sturmi maximis Domino commendabant precibus.

26. Altera autem die, id est xvi Kal. Januarii, in gravescente languore ad extrema deductus est. Circumstantibus vero nobis et videntibus ejus celerem fore exitum, aliquis e nobis exorsus est: Pater, inquit, nos non ambigimus te ad Dominum migratum, et ad vitam pervenire pereanem; quapropter paternitatem tuam deprecamur ut nostri memorari digneris, et ibi pro discipulis tuis Domino preces fundere, quomodo justum confidimus nobis profuturum, quod tales præmittimus patronum. Qui, subito intuens nos: Exhibitete, inquit, vosmetipsos dignos, et tales estote in vestris moribus, ut rite valeam pro vobis orare: et ita faciam quod postulatis. Post vero verba haec, sancta illa anima carne soluta est, et de ergastulo corporis erecta, bonis meritis repleta migravit ad Christum, cuius in perpetuum permanet regnum. Amen.

appellant: et Bonifacius ipse in epistola 9 *cloccam*, tametsi jam *campanæ* vocabulo usus fuerat Beda in lib. iv, cap. 23, ex quo aliisque colligimus, pene singulare esse id quod hos loco scribitur de pulsatis ecclesiæ signis sub extremos Sturmi expirantis agones.

ANNO DOMINI DCCCXXIV.

BERNOWINUS

CLAROMONTANUS EPISCOPUS.

NOTITIA HISTORICA IN BERNOWINUM.

(Hist. Franc. litt., tom. IV, pag. 481.)

De Bernowino episcopo Claromontano altum diu apud omnes scriptores silentium. Primus nomen ejus ex oblivione eruit Mabillonius, qui carmina quedam ejus nomine inscripta edidit ex manuscripto bibliothecæ Ottobonianæ. Incertum plane quando ad sedem Claromontanam sit evectus et quo anno e vivis excesserit. Caroli magni munificentia adjutus Bernowinus magnam ecclesiam in honorem sancti Alliri ædificavit in sua civitate episcopali. Bernowini quatuor tantum carmina exstant, inter quæ ejus epitaphium.